

Arkiv: FA-K40
JournalpostID: 20/3774
Saksbehandlar: Kjartan Nyhammer
Dato: 22.01.2020

Saksframlegg

Saksnr.	Utvalg	Møtedato
022/20	Utval for areal, plan og miljø	05.02.2020

Forskrift om opning av jakt og fastsetting minsteareal som grunnlag for tildeling av fellingsløyve på hjort, Alver kommune

Rådmannen sitt framlegg til vedtak:

Framlegg til ny forskrift «Forskrift om opning av jakt og fastsetting av minsteareal som grunnlag for tildeling av fellingsløyve på hjort, Alver kommune» vert sendt ut på høyring slik den ligg føre. Høyringsfrist vert sett til 6.mars 2020.

Dette med heimel i «Forskrift om forvaltning av hjortevilt» § 5

Utval for areal, plan og miljø 05.02.2020:

Behandling:

Rådmannen sitt framlegg vart samrøystes vedteke.

APM- 022/20 Vedtak:

Framlegg til ny forskrift «Forskrift om opning av jakt og fastsetting av minsteareal som grunnlag for tildeling av fellingsløyve på hjort, Alver kommune» vert sendt ut på høyring slik den ligg føre. Høyringsfrist vert sett til 6.mars 2020.

Dette med heimel i «Forskrift om forvaltning av hjortevilt» § 5

Saksopplysninger:

Frå 1/1-2020 er Meland, Radøy og Lindås kommune slått saman til Alver kommune. Kvar av dei tre kommunane har eigne føreskrifter der det vert opna for hjortejakt i kommunen og definert eit minsteareal for tildeling av fellingsløyve.

Det kan ikkje jaktast hjort i Alver kommune før den nye kommunen har på plass ei liknande føreskrift. Ei slik føreskrift må ut på høyring og formelt vedtakast som føreskrift i Alver kommune før den kan tre i kraft. Det er

lovverket i «Forskrift om forvaltning av hjortevilt» som regulerer korleis ei slik høyring skal vera og det formelle omkring ei slik endring. Det er naturleg at alle faglaga i landbruket og hjortevalda i Alver kommune vert tilskrivne om høyringa.

Tidlegare Radøy kommune har hatt delt minsteareal med 400 da/dyr nord i kommunen utanom Toska og Marøy og 750 da sør i kommunen.

Bestandsutviklinga tyder at minsteareala er for høg og kommunen har dispensert frå minstearealet i fleire år. Forslag til nytt minsteareal for øya Radøy i Alver kommune: 350 da frå og med søre Radøy og Askeland vald og nordover, sørom Søre Radøy og Askeland vert minstearealet 600 da.

Tidlegare Lindås kommune har hatt minsteareal på 1500 da og har i fleire år dispensert frå dette. Det er behov for eit betraktelig lågare minsteareal for valda i gamle Lindås kommune. Admininstrasjonen tilrår 500 da pr. dyr. 500 da/dyr vert minsteareal for Gardsnummer 4-248 i Alver kommune.

Tidlegare Meland kommune har hatt minsteareal på 400 da i heile kommunen. Valda i Meland har felles bestandspalnområde med fleirårig forvaltningsplan. Bestandsplanområdet har ein årskvote på 152 dyr, eller om lag 500 da for eit løyve. Admininstrasjonen tilrår at minstearealet vert uendra på 400 da for dei aktuelle valda.

Hjortestammen i Alver er i vekst og kommunen må legge til rette for at jegerane kan ta ut tilstrekkelig mengde dyr i den ordinære jakta.

Framlegg til ny forskrift:

§ 1. Opning av jakt

Det er høve til å driva jakt etter hjort i Alver kommune.

§ 2. Minsteareal

Minsteareal for godkjenning av vald og grunnlag for fordeling av fellingskvote kjem fram av tabellen:

	Gardsnummer	Minsteareal
Radøy med Toska og Marøy	414-479 og 490-502	350 daa
Radøy, sørom Søre Radøy grunneigar lag og Askeland til og med Alverstraumen	130-134 og 480-489	600 daa
Gamle Lindås kommune, utanom Alverstraumen	4-248	500 daa
Gamle Meland kommune med Flatøy	1 og 304-357	400 daa
Resten av kommunen		1000 da

§ 3. Ikrafttreding

Forskrifta trer i kraft straks. Samstundes opphevast det som gjeld Lindås og Radøy kommune i forskrift 13. juni 2001 nr. 648 om jakt etter hjortevilt (elg, hjort og rådyr), Sveio, Jondal, Ullensvang, Eidfjord, Granvin, Samnanger, Sund, Modalen, Meland, Radøy, Lindås, Austrheim og Masfjorden kommunar, Hordaland. Forskrift 8. februar 2012 nr. 231 om minsteareal for jakt etter hjortevilt, Meland kommune, Hordaland vert og oppheva i det denne forskrifta trer i kraft.